

Fortsetzung von der Seite 6!

ans eingetliche Dampfzuch-Ziel nooch freitol gebracht. Un wos söll iech eich sogn? Mir sei mit dr Dampflok un den schenn Züchl un den noch schennern Schaffner – wie in altn Reichsbahzeitn zerick bis Dippoldiswal gefahrn. Dodrmit ham mir zwar ne ganze Zeit meh zur Hamraas gebrauch. aber des war uns nu wurscht. De Hauptsach war ja, des mr is ganze Programm absolut gut owickl'n kunntn! „Genau!“ In ALEX sei Dank! Mir hoffn, des is aa unnern neien Mitfahrern gut gefall'n hat un, vielleicht kimmt dr aane oder annere doch emol ze uns ins Vereinshaus. Mr muss ja net gelei Mitglied warn, erscht emol ganz imesist schnuppern!



**Bis zen nächstn Mol bein Hutznobnd oder ner Fahrt irngdewuhie!  
E harzlichs „Glück Auf“ von eiern Schmidt!**



### FAHRDIENST

Wer am 07.11.2019 ins Vereinshaus gefahren und auch **wieder nach Hause** gefahren werden will, der möchte bitte anrufen:

**Johannes Wüst, Tel.: 3807**

**Sollte der Fahrdiensthabende nicht gleich erreichbar sein,  
dann bitte öfter anrufen – ruhig auch schon ein oder zwei Tage vorher !!!**




Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
176

Mitteilungsblatt des  
Erzgebirgischen Heimatvereines  
Eibenstock e.V.

November  
2019



*Dr Schaffner von der Weißeritztalbahn*

## Mei Sporttasch

Aufgeschriebe vun Kerstin Moorbach  
Vürgetrogn bei de Juchndkulturtag  
vun Florian Stölzel



Ich bie e Gung vom Spiegelwald, von Grinhaa kumm ich rüber,  
mir sei bekannt bei aller Walt für Kur'n un Klosterbrüder!  
In meiner Stadt, do gibt's e Schul. Ach, die is ganz verlassn.  
Wu meine Mutt e Schulmaad war, gab's do fei noch zah Klassn.  
Itze gibt's do bluß noch viere. Ihr Leit, es is e Schand!  
Un willste do net dümmlich bleibn, do ziehste halt übers Land.  
Ne schiene Turnhall ham mer aah, närs Parkett is leider fort.  
Drum rammeln mir mit'n Schülerbus noch Beierfald zum Sport.  
Vunne Gahr zer Weihnachtszeit fuhrn mir mol wieder Bus.  
Do is mir dann ewos passiert, wos ja mol kumme muß.  
In Grinhaa sei mr eigestiegn, suweit war alles schie,  
in Beierfald gings wieder naus – nār blieb mei Tasch do stieh!  
Ach, krieche ich do aanen Schrack, mei Sporttasch liegengelassen!  
Im Schlüpferturne wollt ich net. Ne Sport kunnt ich vergassen!  
Ehamwärts dann, zum grußen Glück, war dos derselbe Bus.  
Nār hieß dos leider, leider net, dos drin mei Tasch sei muß.  
Drham do hot mr dann mei Mutt zeerscht in Kopp gewaschen.  
Se tat in ihrer Strofred su, als verlier ich ständig Taschen.  
Dann hot se sich mit ganzer Kraft ans Telefon gehängt  
un im Taschenverfolgungswahn ne Kraftverkehr bedrängt.  
Grüße Tasch! Farbe blau!  
Maße? Wiß mer net genau!  
Vorn zwee Fächer, lange Henkeln!  
Drinne Schuh mit weiße Senkeln!  
Schuhgröß 30, Farbe grie!  
Nut hot mei Gung nischt azezieh!  
Mei Mutt mit ihrer Red hot ganz schön Wind gemacht  
un dodrmit zwee lange Tog ne Kraftverkehr auf Trab gebracht.  
Die kunnten alles auswennig, doch nischt hot sich ergabn.  
De ganze Müh war ümesist. Is war wie oft im Labn!  
Is aans'sche, wos se rauskriegn tatn, war dan Bus sei Tour  
un dos'r noch de Grinhaaner, Bermsgrüner Kinner fuhr.  
Do hot mei Mutt in ihrer Nut noch e weng gewettert  
un aafach uhne nochzededenken im „Örtlichen“ geblättert.  
Drauf rief se aafach jemand a, dar ihr völlig fremd war.  
Se frechet dan am annern End: Ham se Kinner? Zu zaah Gahr?  
Dr Zufall wollt's, die hatten! Un dos Kind wußt gleich Bescheid!  
E Sporttasch? Ja, im Hort! Die stieht do schu ne Zeit.  
Für en winzischen Moment, dacht ich, de Mutt schnappt über.  
Do war se also wieder do! Se hatt mei Sporttasch wieder!  
Mei Tasch, die hot of ihrer Raas is Arzgebirg gesah.  
Un su ne weitgeraaste Tasch laß ich nie mehr allaa.  
Noch aans hab ich gelarnt drbei, der Streß muß sich doch luhne,  
dos in Bermsgrü un aah drümrüm, nār ehrliche Menschen wuhne.



## Wir gratulieren unseren Heimatfreunden

Heinz Richter	am 04.11.	zum 83. Geburtstag
Ursula Berger	am 10.11.	zum 75. Geburtstag
Uta Schmidt	am 22.11.	zum 63. Geburtstag
Guðrun Neumann	am 23.11.	zum 67. Geburtstag
Annerose Reißaus	am 30.11.	zum 78. Geburtstag



Jeder, der sich die Fähigkeit erhält,  
Schönes zu erkennen,  
wird nie alt werden  
(Franz Kafka)

**Unner beliebter Bastlobnd  
in neier Besetzung!  
> De Anita hat de Aufsicht! <  
am Donnerstag, 07. November  
18.00 Uhr  
im Vereinshaus**

**Bitte a klaane Scher` mietbrenge ...  
... un a bissl Greadifidät !**

**Unner letzter Hutznobnd 2019  
is dr Lichtlobnd  
am Freitag, 13.12.2019,  
18.00 Uhr  
im Hotel „Am Bühl“**

*Ze guter Letzt:  
Weihnacht'n kimm't ganz bestimmt  
un aa unnere Bud of'n Weihnachtsmarkt,  
zur 26. Märchnweihnacht, do gibt's wieder  
allerhand ze naschn un vor alln...  
... in allerbestn Gliehwei!*

Fortsetzung vu dr Seit 5!

Sugar e Rocknroller wurd kurz, aber ganz ordnlich hiegeleecht. „Genau!“



Dann gings zerick zur Unnerkunft. In klenn Umtrunk aufn Hotelzimmer gobs dann for e paar ewich muntre aa noch, aber dann war endlich Nachtruh. Tja, un dann an nächstn Morgn

im halb achte gobs e Obnteier-friehstick: Erscht war kaa Platz, dann wurd nicht ogereimt, hat mr endlich Platz, warn kaane Taller do, hatt mr ne Taller drwisch, war de Butter alle, war die do, warn de Sammeln wag un is Rieherei alle, unsuwetter-unsufort. Troztdam ham mirs geschafft, des mr allesamt wie ausgemacht halb neine gassn hattn.



Also, allis halb su schlimm – Hauptsach satt un zefriedn! Gelei nei in unnern ALEX-Bus un lus gings ständich bargauf – zu nern Aussichtspunkt, ne „Mickntirmschn“. Bei den Watter is des ja noch emol su gut: schiene Rundrimsicht un aa noch ewos ze trinken un ze naschn. Nooch den Aufnthalt wurd de Grenz wieder

passiert un mr warn im Nu bein Mittogassn in Oberbärnburg – feins Hotel – guts Assn. In Aschluss wurd dr Bus nooch Altnbarg gelenkt un zielgericht zr Schnapsprob: Allermacht, war des e Sach, immer e klaans Schlick! mol racht bitter, dann straff un zen Schluss aa noch e Knoblichschnaps! Is Glasl durft mr sugar mit eham namme – aber iech denk mir nār, die wollten siech bluß is Aufwaschn dorsparrn! Alsdann kam is nächste Obnteier: Weil e Imwaag gefahrn wern muß, ham mir is Dampfzigl in Dippoldiswal net meh drwisch. Aber de ALEXN sei ja schlau genuch, im do is Beste draus ze machen: Dr Andrè un de Jana ham uns kurzerhand

Fortsetzung of dr Seit 7!

## Dr Spalter

Wu iech den Artl vu dr Ausfahrt geschriebn hob, muß iech immer an die lustiche Sach mit den Spalter denkn, wu mir suviel Spaß im Bus drmit hattn, aber nei den Bericht wollt iech des net esu mit neischreibn, desserwagn kimmt do itze ne extra Seit drzu: Drinne in Bus warsch vu Friehe wag erscht emol su ziemlich ganz ruhich. Aber je meh Fahrt aukam un is Halle vun Tog mit samt dr Sonn su richtig rauskam, is aa de Stimmung im Bus mächtich



agestieg. Zeerscht tat dr Fahrer e paar schiene Witz drzähl un do war dann dr Bann gebrochn: Gelei warn dreie oder gar viere, finfe drbei un ham de annern unnerhalten. Is Beste warn dann jedoch de Geschichtn mit ne Spalter. De Sabine war do ganz munter un hat in Eb egal agehau, ihr bein Spaltn ze halfn. Dr Eb söllt sein größtn Spalter mitbrenge den ar hat, an bestn wār glei dr 8-Tonner! Die Spalterei tat siech auf jedn Fahrabschnitt net bluß wiederhuln, naa, immer wieder ofs neie steichern un jeder hat des ausgiebich innerprettiert, manichsmol aa eweng unnern Gürtl, mr wußt zeletzt gar nimmer, war oder wos do ieberhaupt gespaltn warn söllt!



Auf jedn Fall wollt de Sabine die Spalterei aber ubedingt mit ne Eb durchzieh, ihr Maa kennt ja dorweile mit dem seiner Fraa nei de Schwamme gieh, do hätt die zwee wenstns aa ewos ze tu! Nu, mir wärn sah wos dodrbei rauskomme werd, de Hauptsach is, des wirklich des ganze Holz gespaltn werd un net zen Schluss ne Schlacht mit de Schwamme vor ne Mammuthaisl gefiehrd werd!

Eier Schmidt



## Unnere Zwee-Tog-Fahrt mit Bus, Dampfer un Eisenbah




Im vorign Gahr bei dr Planing hatts gehaaßn, mir kenntn wieder emol ne Raas machen ieber ganze 2 Tog, also mit ner lebernachtung. Wus su weit war mit dr Amalderei warn mr aber mit unnere Vereinsleit unner dr bedingtn Zohl „Dreißich“ gebliebn. Alsu gings mit nern Hilferuf neins Togblatt – un schwuppdiewupp – war dr Bus zen Glick gelei voll un gern ham mir die annern Eimstocker samt Anrainern in unnere Mitt gesetzt un mitgenomme!

Erscht wars ja noch eweng finster, su im halb Sieme in dr Friehe, wu allezam dr Reih nooch eigesammelt wurn sei – vu Wildnthol bis 4 mol in Eimstock. Aber noocherts gings lus ieber de neie Bucker Brick, Aue, Chamz, un do war ar do: Herrlich, dar Sonneschein an unnern Himml!




Un des aa noch an alle beedn Togn! Den hattn mir natierlich dorzugebucht bei de ALEX-Reisn. Zeerscht hattn uns dr Fahrer-Andre un de Beträungs-Jana bis Pirna geschaukt, do gings nauf auf nern Dampfer. Finf Stundn dr Elb nauf! lech hatt ja erscht eweng Bedenkn, weil ichs gar net esu hob mit dr

do villeicht sugar noch stieh, wens Schiff unnergieh tät. Aber die Sorch war imesist gewaasn, dar Kapitän hat uns sicher ieber de Grenz nooch dr Tschechei gelotst, ganz ohne Zoll un Grenzer. Schie aazesah war de Schweiz, also de Sächsische! Sugar de Bastei kunnt mr dorkenne. Bei den schenn Watter un dar angenehme Tem-



poratur wars an Oberdeck besonnersch schie. Zwischndurch gobs is Mittagassn ofn Schiff, des hat geschmeckt! Un aa ansinstn – gute Bedienung mit alln, was mr su braucht in dare Zeit. Mit ne Bus gings dann bis Usti nad Labem, frieher aa ze deitsch Aussig genannt. Do war noocherts gelei mol ne Stadtfiehring ze Fuss agesaat mit nern gunge aa noch deitschn Studien-Maadl, die des is erschte Mol machn musst. „Genau!“ – su saat se immer, wenn se ihr Blattl mit ihre Stich-



pinktle ganz gut ogearbit hatt. „Genau!“ – des Wort hat uns vu Stund aa begleitet un wurd villeicht tausndmol benutzt. Mittn of nern grußn Platz konnt mr jede Menge Blumme un Lichter saah: allis in Gedenkn an den grußartign Sänger Karel Gott, su wird dar dortn in jeder Stadt vorehrt! Unner Hotel is dornooch agesteiert wurn.

**Comfort HOTEL**  
Ústí nad Labem City

Gelei an dr Rezeptschon kunnt mr saah, des do dr Lift gebaut wurn is. Aber is gob zen Glick noch en e bissl wetter hintn. Of jeder Etasch warn wagn dr Lift-Bauerei e paar



Putzlappteppische ausgeleecht, do musst mr halt drieber. De Zimmer warn aber sauber un sehr gut haargericht. Viel Zeit war net, denn halb Sechse gings schu wieder nein Bus un in Barg nauf zu nern Burgvorlies. Vu außn nár riesicher Felsn, drinne e schiens Gewölbe mittn im Fels! An de Tisch is eweng eng wurn, su des e paarle ausweign mußtn in e Separeegewölb.

Nu ja, des war zwar net ganz esu schie su abseits, dodrfür hattn die eweng meh Ruh un net esu viel Geschnatter, des in den Gewölb ja noch viel lauter vun de Felswand zerickschallt. Is Obndbrut hat gut geschmeckt un aa sinst wurd allis nane Tisch gebracht, wos mr su wollt. Gute Stimmung is wurn wu unner Bus - Jana de richtsche Musik auflegn lessn hatt: Vun de Eisbär sah, dr Rosamunde bis zu de Händ zen Himml wurd allis lauthals mitgesunge un sugar getanz.